

Icebo Cakwa Lesa Caishile Kuli Kasesema William Marrion Branham

“Yesu Kristu Ni Lesa”

Nomba bulya e busokololo: Yesu Kristu ni Lesa. Yehova uwa Cipingo Cakale ni Yesu wa mu Cipyaa. Nangu mwingesha na maka shani, teti mushininkishe ukuti kwaba ba Lesa BATATU. Lelo cisenda nakabili ubusokololo ukupitila mu Mupashi wa Mushilo ukumulenga imwe ukwiluka icine ukuti Aba Umo. Cisenda ubusokololo ukumona ukuti Yehovah uwa Cipingo Cakale ni Yesu wa mu Cipyaa. Satana alingile mu lukuta no kupofwisha abantu kuli ici icine. Kabili lintu bapofushiwe kuli cena, taca posele inshita mpaka Ulukuta lwa Rome lwalekele ukubatisha mwi Shina lyakwa Shikulu Yesu Kristu.

Ndesumina ukuti cisenda ubusokololo ubwine bwine ukufuma ku Mupashi wa Mushilo ku kumona icine pa Mutwe wa bulesa shino inshiku ilyo twaba pakati pa kupilibula kwa Malembo ayengi. Lelo ululeyansha, ulukuta ululecimfya lwa kulwa pa busokololo eico kuti twasubila Lesa ukusokolola icine Cakwe kuli ifwe. Lelo lyena, ukuba kwena tamufwaikwa ubusokololo pa lubatisho lwa mu menshi. Luli fye palya pene lulemu Lolekesha mu cinso. Bushe nga calicitilwe pali miniti umo ku batumwa ku kutungululwa mu nshila iyalubana ukufuma kufyo Shikulu umwine abebele ukubatisha mwi Shina lyakwa Tata kabili no Mwana kabili no Mupashi wa Mushilo kabili elyo nokubasanga mukukana umfwila umumbo? Balishibe ifyo Ishina lyali, kabili tapaba incende nangu imo mu Malembo apo babatishe umusango uuli onse ukucila mwi Shina lya kwa Shikulu Yesu Kristu. Amano ayali yonse kuti yamweba ukuti Ibuku lya Milimo Ya Batumwa e lukuta mukubomba, kabili nga bali batishe muli ulya musango, ninshi ilya enshila iyakubatishishamo. Nomba nga muletontonkanya

ukuti ico nacikosa, cinshi muletontonkanya pali ici? Uuli onse ushabatishiwe mwi Shina lyakwa Shikulu Yesu ali batishiwe nakabili.

Imilimo Ya Batumwa 19:1-6, “Kabili caishile citika, ukuti, ilyo Apolo ali mu Korinti, Paulo apitile ku musansama no kufika ku Efeso: na pa kusanga abasambi bamo, Atile kuli bene, Bushe mwapokelele Umupashi wa Mushilo ukutula elyo mwatetekele? Nabo batile kuli wene, Lelo tatwatala atumfwa ukuti Umupashi wa Mushilo wabako. Elyo atile kuli bene, Nga kanshi cinshi ico mwabatishiwemo? Nabo batile, Mu lubatisho lwa kwa Yohane. Lelo Paulo atile, Yohane abatishishe ulubatisho lwa kulapila, pa kweba abantu, ukutetekela Uyo Uleisa mukonkapo, ekutula, pali Yesu Kristu. Ilyo baumfwile ici, babatishiwe mwi Shina lyakwa Shikulu Yesu. Kabili ilyo Paulo abikilepo iminwe pali bene, Umupashi wa Mushilo waishile pali bene; kabili balandilemu ndimi shimbi no kusesema.” Ifyo eflyo cili. Aba bantu abasuma mu Efeso balyumfwile pali Messiah uwali nokwisa. Yohane alishimikile pali Ena. Bali batishiwe palwa kulapila ku membu, ukulolekesha KUNTANSI ku kucetekela pali Yesu. Lelo nombamba yali ninshita iyakulolekesha KUNUMA kuli Yesu no kubatishiwa ku KULEKELELWA kwa membu. Yali ninshita iya kupokelela Umupashi wa Mushilo. Kabili ilyo babatishiwe mwi Shina lya kwa Shikulu Yesu Kristu, Paulo abikile indupi shakwe pali bena kabili Umupashi wa Mushilo waishile pali bena.

Owe, balya abantu abatemwikwa ku Efeso bali abantu abasuma; kabili nga uuli onse alikwete insambu ishakumfwa ukuba uwacingililwa, bali citile. Moneni ubutali uko bafumine. Balishile konse kulya mpaka ukusumina Messiah uwaleisa. Bali abaiteyanya pali Wene. Lelo bushe tamulemona ukuti nangu cali filya taba Mwishibe? Alishile no kuya. Balefwaikwa uku batishiwa mwi Shina lya kwa Shikulu Yesu Kristu. Balefwaikwa ukwisushiwa no Mupashi wa Mushilo.

Nga mwali batishiwa mwi Shina lya kwa Shikulu Yesu Kristu, Lesa ali no kumwisusha no Mupashi Wakwe. Cilya e Cebo. Imilimo ya Batumwa 19:6 iyo twacibelenga yale fikilisha Imilimo ya Batumwa 2:38, “Lapileni, no

kubatishiwa onse uwa muli imwe mwi Shina lya kwa Yesu Kristu ku kulekelelwa imembu, kabili mukapokelela icabupe Mupashi wa Mushilo.” Mwamona, Paulo, ku Mupashi wa Mushilo, alandile filya fine fye ifyo Petro alandile ku Mupashi wa Mushilo. Kabili cilya icalandilwe TEKUTI cipilibulwe. Cilingile ukuba cimo cine ukufuma ku Pentekosti mpaka ulya wine uwasalwa umo uwakulekelesha abatishiwa. Abena Galatia 1:8, “Lelo nga ni fwe bene, atemwa ni malaika wa mu mulu, abile kuli imwe imbila iyalekana na iyo twabilile kuli imwe, abe uwakungwe cilai.”

Nomba imwe bamo abantu ba Oneness mulalufyanya mu kubatisha. Mubatisha ku kupilibulwa kwati nalimo ukwibishiwa mu menshi kwali mupuswishe. Ukupilibulwa takwisa ukupitila mu menshi; mulimo wa Mupashi. Umuntu uo ku Mupashi wa Mushilo apele ifunde, “Lapileni no kubatishiwa onse uwa muli imwe mwi Shina lya kwa Shikulu Yesu,” tatile amenshi yalapilibula. Atile cali fye icishininkisho ca “kampungu umusuma kuli Lesa.” Cali ico cine fye. 1 Petro 3:21, “Ico icaba icipasho ukuti ulubatisho lulepususha na ifwe lelo (te kusamba fye ifiko ku mubili, lelo kwasuko bwa kampungu musuma kuli Lesa,) ku kubuka kwa kwa Yesu Kristu.” Nali cicetekela.

Nga uuli onse nakwata amano ayabufi ukuti ilyashi lyakale kuti lya shininkisha ulubatisho mu nshila ili yonse ukucila mwi Shina lya kwa Shikulu Yesu Kristu, kuti namupandako amano ukubelenga ilyashi lyakale no kuisangila mwebene. Ili elyashi lyacine lya Lubatisho ulwa citike mu Rome A.D 100 kabili ya fumishiwe mwibuku lya TIME magazine, December 5, 1955. “Dikoni aimishe ukuboko kwakwe, kabili Publius Decius aingile ukupitila pa mwinshi wa mwakubatishisha. Ukwiminina mukati ukufika mu musana mu cishiba mwali Marcus Vasca kashitisha wa mbao. Alemwentula ilyo Publius aingile mu cishiba ku mbali yakwe. ‘Credis?’ ali pwishe. ‘Credo,’ alyaswike Publius. ‘Ndecetekela ipusukilo lyandi lilefumina kuli Yesu Kristu, Uyo uwatanikwe kuli Pontius Pilato. Pamo Nankwe nalifwile pakuti pamo Nankwe ninga kwata Umweo uwa Muyayaya.’ Elyo aumfwile amaboko ayamaka uku mwafwilisha ilyo ailekele umwine ukuwila kunuma mu

cishiba, kabili aumfwile ishiwi lya kwa Marcus' mu kutwi kwakwe—'Ndekubatisha mwi Shina lya kwa Shikulu Yesu'—ilyo amenshi ayatalala yamu fimbilikishe."

Mpaka fye lintu icine calubile (kabili tacabwelele mpaka ino nshita iya kulekelesha-ici cafuma ku Nicaea mpaka ukufika kuli shino nshita) bale batisha mwi Shina lya kwa Shikulu Yesu Kristu. Lelo na kubwela. Satana teti abike ubusokololo panshi ilyo Umupashi ulefwaya ukubupela.

Eeh, nga kwali Balesa batatu, kuti mwabatisha bwino bwino muli Tata, kabili na Mwana, kabili na Mupashi wa Mushilo. Lelo UBUSOKOLOLO UBWAPELWE KULI YOHANE bwali ukuti kwaba LESA UMO kabili ne Shina Lyakwe ni SHIKULU YESU KRISTU, kabili mubatishisha muli Lesa UMO kabili umo fye. Emulandu wine Petro abatishe umusango acitile pa Pentecost. Alingile ukuba uwa cishinka ku busokololo ubwali, "Leken ing'anda yonse yakwa Israel ishibe bwino bwino, ukuti Lesa acita ulya WINE YESU, Uo imwe mwatanike, FYONSE FIBILI SHIKULU KABILI KRISTU." Uyu Uli apa, "SHIKULU YESU KRISTU."

Nga Yesu aba "FYONSE FIBILI" Shikulu na Kristu, lyena Ena (Yesu) aba, kabili tekuti abe cimbi kano "Tata, Mwana, no Mupashi wa Mushilo" mu Muntu UMO ukumonekela mu mubili. TACILI "Lesa mu bantu batatu, abene batatu abapalwa," lelo LESA UMO, UMUNTU UMO ne fyakulumbwilako ifikankala fitatu, nama ofeshi yatatu ukulangisha filye fyakulumbwilako. Cumfweni umuku naumbi. Uyu wine Yesu ni "FYONSE FIBILI Shikulu kabili Kristu." Shikulu (Tata) kabili Kristu (Umupashi wa Mushilo) ni Yesu, pantu Ena (Yesu) ni FYONSE FIBILI (Shikulu kabili Kristu).

Nga cilya taciletulangisha ubusokololo ubwacine ubwa mutwe bwa Bulesa, takuli nangu cimo icikacita. Shikulu TALI umbi; Kristu TALI umbi. Uyu Yesu ni Shikulu Yesu Kristu—LESA UMO.

Filipo ubushiku bumbi atile kuli Yesu, "Shikulu, tulangisheni Shinwe kabili twalaikushiwa." Yesu atile kuli wene, "Bushe naba pamo naimwe inshita iyakule fi kabili tamwa Njishiba? Uyo uwamona Ine amona Tata, nga cinshi

ulesosela, auti Tulangeni Shinwe? Ine na Tata twaba Umo.” Nalilumbwile ici inshita imo kabili no mukashana atile, “Pali miniti fye, Ba Branham, iwe no mukashi obe mwaba umo.” Natile, “Te mu musango uyo.”

Atile, “Nshumfwikishe?”

Eico natile kuli wene, “Bushe ulemona ine?”

Atile, “Eeh.”

Natile, “Bushe ulemona umukashi wandi?”

Atile, “Awe.”

Natile, “Kanshi bu umo ubo bwa musango umbi, pantu Atile, Ilyo wamona Ine, wamona Tata.”

Kasesema atile ukuti cikaba ulubuuto mu nshita ya cungulo bushiku. Mu nyimbo calilembwa:

Cikaba Lubuuto mu nshita ya cungulo bushiku,
Inshila ya ku Bukata mucine ukaisanga,
Munshila ya menshi, e Lubuuto ilelo,
Ukushikwa mwi Shina lyawama lya kwa Yesu.
Abaice na bakalamba, lapileni kulubembu lwenu
lonse,
Mupashi wa Mushilo mucine cine ali nokwingilamo.
Ulubuuto lwa cungulo bushiku nalwisa,
Cishinka ukuti Lesa na Kristu ni umo.

Tekale sana nalelanda kuli Rabbi uwa ci Yuda. Atile kuli ine, “Imwe mwe Benafyalo teti muputule Lesa mu fipandwa fitatu no ku Mupela ku mu Yuda. Twalishiba ukucila ifyo.”

Natile kuli wene, “Ico efyo cili Rabbi, tatuputaula Lesa mu fipandwa fitatu. Wali cetekela bakasesema, tefyo?”

Atile, “Mucine ndacetekela.”

“Walicetekela Esaya 9:6?”

“Eeh.”

“Nani uo kasesema alelandapo?”

“Messiah.”

Natile, “Kwampana nshi uko Messiah akaba kuli Lesa?”

Atile, “Akaba ni Lesa.”

Natile, “Ico cishinka.” Ameni.

Teti mubike Lesa mu bantu batatu nangu mu fipandwa fitatu. Teti mwebe umu Yuda ukuti kwaba Tata, kabili no Mwana, kabili no Mupashi wa Mushilo. Aka mweba bwangu bwangu uko yalya mano yafumine. Aba Yuda balishiba ici cisumino ca pangilwe ku Kabungwe ka Niceae. E mulandu balatuseka nga abasenshi.

Tulanda pali Lesa uyo ushipilibuka. Aba Yuda balicetekela ico nabo. Lelo ulukuta lwapilibwile Lesa wabo ushipilibuka ukufuma kuli UMO ku BATATU. Lelo ulubuuto lulebwelela munshita ya cungulo bushiku. *Ifyo cili caku papusha icakuti ici icine nacisa pa nshita ilyo aba Yuda balebwelela ku Palestine.* Lesa na Kristu baba UMO. Uyu Yesu ni FYONSE FIBILI SHIKULU KABILI KRISTU.

Yohane alikwete ubusokololo, kabili YESU ali Busokololo, kabili Aliiletele Umwine muno mwine fye mu Malembo “NINE Uyo Uwalipo, Uulipo kabili Uukesa, uwa Maka yonse. Ameni.”

Nga ubusokololo nabukucilila, lolesha ku mulu nokufwaya Lesa pali bwena. Iyo enshila fye yeka mukatala ukubupokelelamo. Ubusokololo bulingile ukufumina kuli Lesa. Tabwatala ukwisa ukupitila mu buntu, amano yacifyalilwa, lelo ukupitila mu mano ya mu Mupashi. Kuti mwasungila fye na Malembo, kabili nangu cilya cingaba cisuma, cilya teti cicite. Cilingile ukuba ubusokololo ukufuma kuli Lesa. Citila mu Cebo ukuti takuli umuntu uwingalanda ukuti Yesu ni Kristu kanofye na Mupashi wa Mushilo. Mulingile ukupokelela Mupashi wa Mushilo kabili elyo, kabili lyena fye lyeka, Umupashi kuti wamupela ubusokololo ukuti Yesu ni Kristu: Lesa, Uyo Uwasubwa.

(*Ukufuma Mu Bulondoloshi Bwa Nshita
Sha Nkuta Cine Lubali*)

©1995 VGR, ALL RIGHTS RESERVED

VOICE OF GOD RECORDINGS

P.O. Box 950, Jeffersonville, Indiana 47131 U.S.A.

www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalemwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org